

敕修陝西通志

第八
函
十
冊

陝西通志第七十四卷

經籍一 經類 史類

一金馬白虎著述之府收拾秦灰諸儒心苦遷固史英鄭賈經腴披
藻摘華音釋訓詁照灼藜光析爲四部二氏九流典冊圖譜緗帙
牙籤彪炳今古毋曰西陲專尚雄武作經籍志第二十八

經類

經之類九十有一曰易類曰書類曰詩類曰禮類曰樂類曰春秋類

曰孝經類曰論語類

孟子附

曰讖緯類曰經解類曰小學類

按各史藝文志皆以孟子入子類惟陳氏書錄及文獻通考始以論孟並入經類今從之

周易二篇

文王繫彖辭周公繫文辭

周文王作卦辭謂之周易周公又作文辭

隋書經籍志

卦辭文王爻辭

周公馬融陸績等並同此說

周易疏

其卦本伏羲所畫其辭則文王

周公所繫故繫之周以其簡袞重大故分爲上下兩篇文王所繫以斷一卦之吉凶所謂彖辭也周公所繫之辭以斷一爻之吉凶所謂爻辭也

朱子本義

周書三十二篇

周文王國號後武王因以爲有天下之號書九三十二篇

書經註

周

書七十一篇

漢書藝文志

周史記師古曰周時誥誓號令也蓋孔子所

論百篇之餘也今之存者四十五篇矣

藝文志注○按此七十一篇卽逸周書也

周南十一篇召南十四篇

文王徙都於豐而分岐周故地以爲周公旦召公奭之采邑且使周公爲政於國中而召公宣布於諸侯江沱汝漢之間莫不從化至於武王發又遷於鎬遂克商而有天下武王崩成王誦立周公相之制禮作樂乃采文王之世民俗之詩被之箎弦以爲房中之

樂而又推之以及於鄉黨邦國所以著明先王風俗之盛而使天下後世之脩身齊家治國平天下者得以取法焉

詩經朱註

秦風十篇

秦初伯益佐禹治水有功賜姓嬴氏其後中潏居西戎以保西陲六世孫大駱生成及非子非子事周孝王養馬汧渭之間孝王封爲附庸而邑之秦至宣王時犬戎滅成之族宣王遂命非子曾孫秦仲爲大夫誅西戎不克見殺及幽王爲西戎犬戎所殺平王東遷秦仲孫襄公以兵送之王封爲諸侯遂有周西都至元孫德公又徙於雍

詩經朱註

豳風七篇

公劉修復后稷之業相土地之宜而立國於豳之谷焉傳至武王遂有天下武王崩成王立年幼不能莅阼周公旦以冢宰攝政乃

述后稷公劉之化作詩一篇以戒成王謂之豳風而後人又取周公所作及凡爲周公而作之詩以附焉

詩經朱註

小雅七十八篇大雅三十一篇

鄭氏曰小雅大雅周室居西都時詩也小雅自鹿鳴至菁莪篇大雅自文王至卷阿篇爲正經小雅六月大雅民勞之後皆謂之變

雅

毛詩箋

周頌三十一篇

周公相武王成王天下既平作爲樂章薦之郊廟所謂周頌也

詩經

朱註

周禮十二卷

周官經六篇

漢書藝文志

王莽時劉歆置博士師古曰即今之周禮也

亡其冬官以考工記充之

藝文志注

周禮是的當之書然其間必有未

世添入者如盟詛之屬必非周公之意不可以此病周公之法又

不可以此病周禮經學理窟晁氏曰漢武帝時河間獻王開獻書之路

得周官有五篇失冬官一篇乃募以千金不得取考工記以補其

闕至孝成時劉歆校理秘書始得序列著於錄略爲群儒排弃歆

獨以爲周公致太平之跡永平時杜子春初能通其讀鄭衆鄭興

亦嘗傳受言皆引之以參釋異同云讀書志

儀禮十七篇

周禮儀禮發源是一理有始終分爲二部並是周公攝政太平之

書周禮爲末儀禮爲本本則難明末則易曉是以周禮注者多門

儀禮所注後鄭而已儀禮註疏賈公彥序

爾雅釋詁一篇

張揖曰昔在周公纘述唐虞宗翼文武克定四海勤相成王六年

制禮以導天下著爾雅一篇以釋其義

爾雅疏

周公謚法一卷

不著撰人名氏謚法始於周學者錄之因託以名篇

崇文總目

晁氏曰

其序曰維周公旦太公望因嗣王發建功於牧野及終將葬乃制

謚計一百九十餘條

讀書志

石鼓詩

岐陽石鼓初不見稱於前世至唐人始盛稱之韋應物以爲周文

王之鼓至宣王刻詩韓退之直以爲宣王之鼓在今鳳翔孔子廟

中鼓有十先時散棄於野鄭餘慶置於廟而亡其一皇祐四年向

傳師求於民間得之乃足其文可見者四百六十五不可識者過

半予所集錄文之古者莫先於此

歐陽脩集古錄跋

石鼓十五篇

太史公著

周宣王太史作大篆十五篇建武時亡六篇矣

漢書藝文志注

說文叙

與古文或異艾軒林氏曰大篆出於史籀戰國以來俱用之唐元

度曰秦焚詩書惟易與史籀得全王莽之亂此篇亡失建武中獲

九篇章帝時王育為作解說所不通者十有三晉世此篇廢今

畧傳字體而已

王

子夏易十卷

魏文侯師卜子夏撰設教西河

此書篇第畧依王式決非卜子夏之文又其言近而不篤然學者

尚異頗傳習之

崇文總目

晁氏曰舊題卜子夏撰唐藝文志子夏書已

亡今此書約王弼註為之者止雜卦景迂云張弧偽作

讀書志

詩序

卜子夏與毛萇合作

大序是子夏作小序是子夏毛公合作卜商意有未盡毛公更足

成之

釋文舊說

先儒相承謂毛詩序子夏所創毛公及敬仲又加闡益

隋書經籍志

徐整云子夏授高行子

因學記聞

詩集序二卷

翼要十卷

俱卜子夏撰

小篆

秦著作即下却程邈作

師古曰篆書謂小篆蓋秦始皇使程邈所作也

漢書藝文志注

隸書

程邈作

隸書亦程邈所獻主於徒隸從簡易也

漢書藝文志注

趙氏明誠曰庾肩

吾云隸書今之正書也張懷瓘六體書論亦云隸書者程邈造字

皆真正亦曰真書自唐以前皆謂楷字為隸至歐陽公集古錄誤

以八分為隸書自是舉世凡漢時石刻皆目為漢隸

玉海

石渠議奏百五十五篇

漢太子太傅杜陵蕭望之等奏

甘露三年三月詔諸儒講論五經同異太子太傅蕭望之等平奏

其議上親稱制臨決焉

漢書宣帝本紀

書議奏四十二篇禮議奏三十八

篇春秋議奏三十九篇論語議奏十八篇五經雜議十八篇

藝文志

魯論安昌侯說二十一篇

安昌侯蓮勺張禹撰

師古曰張禹也

漢書藝文志注

傳魯論者常山都尉龔奮長信少府夏侯

勝丞相韋賢魯扶卿前將軍蕭望之安昌侯張禹皆名家張氏最

後而行於世

漢書藝文志

張禹本授魯論晚講齊論後遂合而考之刪

其煩惑除去齊論問王知道二篇從魯論二十篇爲定號張侯論

當世重之馬融爲之訓

隋書經籍志

孝經安昌侯說一篇

張禹撰

孝經者孔子爲曾子陳孝道也漢興長孫氏博士江翁少府后倉

諫大夫翼奉安昌侯張禹傳之各自名家

漢書藝文志

周易卜筮一卷

杜陵田何傳

五經通義九卷

五經雜義七卷

五經要義五卷

俱漢宗室光錄大夫劉向撰

尚書洪範五行傳論十一卷

劉向撰

成帝即位向數奏封事遷光祿大夫帝元舅平陽侯王鳳爲大將軍秉政依太后專國權兄弟七人皆封爲列侯時數有大異向以爲外戚貴盛鳳兄弟用事之咎而上方精於詩書觀古文詔向領校中五經秘書向見尚書洪範箕子爲武王陳五行陰陽休咎之應乃集合上古以來歷春秋六國至秦漢符瑞災異之記推述行事連傳禍福著其占驗比類相從各有條目凡十一篇號曰洪範

五行傳奏之

漢書本傳

春秋左氏刪

茂陵孔奇撰

春秋說

城門校尉茂陵孔嘉撰

古文尚書二十九篇

司空扶風杜林傳

林少好學時稱通儒京師士大夫咸推其博洽河南鄭興東海衛

宏皆長於古學嘗師事劉歆興既遇之欣然言曰林得興等因
矣使宏得林且有以益之及宏見林聞然而服濟南徐巡師事宏
後皆更受林學林前於西州得漆書古文尚書一卷常寶愛之雖
遭艱困握持不離身出示宏等曰林流離兵亂常恐斯經將絕何
意東海衛子濟南徐生復能傳之是道竟不墜於地也古文雖不
合時務然願諸生無悔所學宏巡益重之於是古文遂行冊府元龜後
漢扶風杜林傳古文尚書同郡賈逵爲之作訓馬融作傳鄭元亦
爲之注然其所傳唯二十九篇又雜以今文非孔舊本隋書經籍志

蒼頡訓纂一篇

蒼頡故一篇

俱杜林撰

蒼頡多古字俗師失其讀宣帝時徵齊人能正讀者張敞從受之
至外孫之子杜林爲作訓故並列焉漢書藝文志梁有蒼頡二卷後漢

杜林注亡

隋書經籍志

左氏條例二十一篇

平陵賈徽撰

賈逵父徽從劉歆授左氏春秋兼習國語作左氏條例二十一篇

後漢書賈逵傳

尚書古文同異三卷

侍中平陵賈逵撰

肅宗降意儒術特好古文尚書逵數爲帝言古文尚書與經傳爾

雅訓詁相應詔令撰歐陽大小夏侯尚書古文同異逵集爲三卷

帝善之復令撰齊魯韓詩與毛氏異同

後漢書本傳

梁有毛詩雜議難

十卷漢侍中賈逵撰亡

隋書經籍志

毛詩譜鈔一卷

詩頌誄書一卷

賈逵撰

周禮解詁

賈逵撰

馬融傳云杜子春永平之初年且九十能通其讀頗識其說鄭衆

賈逵往受業焉衆逵洪雅博聞又以經書記轉相證明爲解逵解

行於世衆解不行

禮疏

左氏國語解詁五十一篇

賈逵撰

賈逵尤明左氏傳國語爲之解詁五十一篇永平中上疏獻之

宗重其書寫藏秘館

後漢書本傳

春秋左氏長經二十卷

賈逵章句

春秋外傳國語二十卷

賈逵注

春秋釋訓一卷

春秋左氏經傳朱墨列一卷

春秋三家經本訓詁十二卷

以上俱賈逵撰

達弱冠能誦左氏傳及五經本文以大夏侯尚書教授雖爲古學

兼通五家穀梁之說所著經傳義詁及論難百餘萬言學者宗之

後世稱爲通儒

後漢書本傳

宋有三家經二卷亡

隋書經籍志

白虎通德論十卷

蘭臺令史扶風安陵班固撰

後漢班固撰章帝建初四年詔諸儒會白虎觀講論五經同異詔

集其事凡十四篇

崇文總目

續揚雄訓纂篇十三章

班固撰

臣復續揚雄作十三章

漢書藝文志

韋昭曰臣班固自謂也作十三章

後人不別疑在蒼頡下篇三十四章中

漢書藝文志注

在昔篇一卷

太甲篇一卷

典引篇

俱班固撰

難左氏義四十一事

侍中扶風李育撰

李育涉獵古學嘗讀左氏傳雖樂文采然謂不得聖人深意前世

陳元范升之徒更相非折而多引圖讖不據理體於是作難左氏

義四十一事

後漢書本傳

周易章句十卷

尚書十一卷

禮十二卷

儀禮義疏見二卷

儀禮義疏六卷

喪服經傳一卷

俱南郡太守茂陵馬融撰

馬融字季長扶風茂陵人有俊才初京兆曄恂以術教授隱於終

南融從其學博通經籍爲世通儒

後漢書本傳

梁有馬融注周易一卷

亡梁有毛詩十卷孝經二卷俱馬融注亡

隋書經籍志

忠經十八章

馬融撰

自序曰忠經者蓋出於孝經也仲尼說孝者所以事君之義則知

孝者俟忠而成之所以答君親之恩明臣子之分忠不可廢於國

孝不可弛於家孝既有經忠則有闕故述仲尼之說作忠經焉

本書

原序

孟子章句十四卷

太常長陵趙岐註

晁氏曰岐字臺卿爲章指析爲十四篇其序云軻戰國時以儒術

干諸侯不用退與公孫丑萬章之徒難疑答問著書七篇三萬四

千六百八十五字秦焚書以其書號諸子故得不泯絕又爲外書
四篇其書不能洪深似非孟子本真也按韓愈以此書爲弟子所
會集與岐之言不同今考其書載孟子所見諸侯皆稱謚如齊宣
王梁惠王滕定公滕文公魯平公是也夫死然後有謚軻無恙時
所見諸侯不應皆前死且惠王元年至平公之卒凡七十七年軻
始見惠王目之曰叟必已老矣決不見平公之卒也後人追爲之
明矣則岐之言非也荀子載孟子三見齊王而不言弟子問之曰
我先攻其邪心楊子載孟子曰夫有意而不至者有矣未有無意
而至者也今書皆無之則其散佚也多矣岐謂秦焚書得不泯絕
亦非也或曰豈見於外書耶若爾則岐又不當謂其不能洪深也

讀書

志

書記難

度遼將軍葉
陰張奐撰